

Resource: Tyndale Open Bible Dictionary

Aquifer Open Bible Dictionary

This work is an adaptation of Tyndale Open Bible Dictionary © 2023 Tyndale House Publishers, licensed under the CC BY-SA 4.0 license. The adaptation, Aquifer Open Bible Dictionary, was created by Mission Mutual and is also licensed under CC BY-SA 4.0.

This resource has been adapted into multiple languages, including English, Tok Pisin, Arabic (عربي), French (Français), Hindi (हिंदी), Indonesian (Bahasa Indonesia), Portuguese (Português), Russian (Русский), Spanish (Español), Swahili (Kiswahili), and Simplified Chinese (简体中文).

Tyndale Open Bible Dictionary

المعمودية

الكلمة دي معناها العام "يغمس" أو "ينقع"، لكن يُستخدم لوصف طقوس دينية فيها تطهير رمزي. في العهد الجديد، المعمودية بقت الطقوس، اليُبدخل الزول في جماعة المؤمنين بالمسيح. ومن الناحية اللاهوتية المعمودية بتعني إنو الزول بموت مع المسيح وبيقوم معاه، يعني بداية حياة جديدة معاه.

نظرة سريعة

• المعمودية يوحنا

• المعمودية يسوع

• وصية يسوع بعد القيامة بالمعمودية

• المعمودية في الكنيسة الأولى

• الفكر اللاهوتي عن المعمودية في رسائل بولس وبطرس

معمودية يوحنا

يوحنا كان ببشِير بـ"معمودية التوبة لمغفرة الخطايا" (لوقا ٣: ٣). أصل الطقوس البعملو يوحنا صعب نعرفو بالضبط. في ناس قالوا إنو المعمودية دي كانت شبه المعموديات اللي بيمارسوها جماعة قمران، وفي ناس تانيين قالوا إنو كانت شبه الطقوس الليمارسوها اليهود لما زول غير يهودي (أممي) يعتنق اليهودية. جماعة قمران كانوا شايفين نفسهم إنهم جماعة العهد في الأيام الأخيرة، فعشان كذا عاشوا في الصحراء بطريقة متقشفة، وكانوا بيعتسلوا يوميًا في طقوس طهارة دينية. لكن برضو كانوا (١ QS ٢: ٣) بيعملوا إنو لازم التوبة الداخلية ترافق العمل الخارجي الطقوس دا كان عندو طبيعة شبه الأسرار المقدسة، لأنو بس العضو الكامل في الجماعة هو المسموح ليهو يمارسو، ودا بعد سنتين من التجربة أما غير اليهود العايزين يدخلوا في الديانة اليهودية، فكان (١ QS ٥: ٦) لازم يعملوا حاجات معينة: يدرسوا التوراة، يختتنوا، وياخدوا غُسل طقسي عشان يطهروا نفسهم من نجاسة خلفيتهم الأممية

معمودية يوحنا كانت بتشبه بعض أنواع المعمودية، لكن برضو كانت مختلفة عنها في جوانب تانية. أصل المعمودية بتاعتو ممكن نلقاهو في طريقة الأنبياء زمان، لما حياتهم كانت بتجسد الرسالة الإلهية، يعني ما بس ببوصلوا الكلام من ربنا، لكن بيعيشوه قدام الناس. معمودية يوحنا كان عندها أبعاد لاهوتية مهمة: (١) كانت مرتبطة بتوبة حقيقية وجذرية، وما كانت بس موجهة للأمم (الناس الغير يهود)، لكن الغريب إنها كانت بتطلب التوبة من اليهود أنفسهم، المعاصرين ليهو. (٢) كان عندها طابع أخروي (يعني متعلق بالنهاية)، لأنها كانت بتجهز الناس لمجيئ المسيّا، واللي حيعمد بالروح القدس والنار (متى ٣: ١١) المعمودية دي كانت بتتظر لقدام، ليوم الدينونة، اليوم اللي ربنا حيفرق فيه بين الأبرار والأشرار (راجع متى ٣: ١٢). (٣) كانت بترمز للتطهير الأخلاقي، وبتجهز الناس عشان يدخلوا في الملكوت الجاي

المسيح

دا لقب رسمي اتقال عن يسوع في العهد الجديد. بيدل على منصبو كمخلص ممسوح، وببشير لمؤهلاتو الروحية في إنقاذ شعوب. الكلمة جاية من الكلمة اليونانية "كريستوس"، وهي ترجمة للكلمة العبرية المسيّا (شوف (يوحنا ١: ٤١)). الاسمين ديل جايين من فعل معناهو "يُمسح بزيت مقدس"، وكمصطلحات، معناهم: "الممسوح". ولما نستخدم اللقب دا لي يسوع، بنكون بنعلن إيماننا إنو عيّن من الله رسميّا. وأخد دور إلهي مخصوص عشان يتم مهمة الخلاص

في العهد الجديد، اللقب دا "المسيح" بيحي مع اسم يسوع، زي ما بنلقى في: "يسوع المسيح" (متى ١: ١؛ مرقس ١: ١؛ رومية ١: ٤؛ رومية ١: ١)، أو مرات بيحي معكوس: "المسيح يسوع" (١ كورنثوس ١: ١). كمان بيحي أحيانًا مع أداة التعريف "الـ"، زي في (رومية ٧: ٤)، أو "بيكون مرتبط بلقب تاني زي "الرب"، مثلاً: "ربنا يسوع المسيح" (رومية ١٦: ١٨). وفي مرات، بيستخدم لقب "المسيح" لوحدهو كأنو هو الاسم أو اللقب المفضل ليسوع، زي ما في (يوحنا ٢٠: ٣١؛ رومية ١٥: ٣). عبرانيين ٣: ٦؛ ٥: ٥؛ ١ بطرس ١: ١١، ١٩.

الأنجيل بتصور يسوع إنو قبل بلقب المسيّا بتواضع، وما كان بيطلب المجد لنفسو. معموديتو بتفهم على إنها مسحة لثلاثة مناصب: النبي الكاهن، والملك. لما يوحنا (اللي هو إيليا الجديد بحسب متى ١١: ١٤) عمد يسوع، يسوع استقبل انسكاب الروح القدس، واتلقى تقويض مباشر من الله عشان يبدأ خدمتو (متى ٣: ١٦-٤: ١٧). يوحنا ذاتو أنكر إنو هو المسيح، لكن بطريقة غير مباشرة عرف يسوع إنو هو المسيّا (يوحنا ١: ٢٠؛ لوقا ٣: ١٤-١٧). التلاميذ الأوائل مشوا ورا يسوع لأنهم عرفوا: إنو هو المسيّا (يوحنا ١: ٤١). الشياطين ذاتها عرفت يسوع وقالت: "فدوس الله" (مرقس ١: ٢٤؛ قارن متى ٨: ٢٩). الجموع كانوا شايفين فيهو نبي، زي موسى الجديد (يوحنا ٦: ١٤، ٣٢)، لكن أول ما عرفوا إنو مملكته روحية وما سياسية، خلوه ومشوا (آية ٦٦). لكن التلاميذ "الاثنا عشر فضلوا معاه، وقالوا: "وَنَحْنُ قَدْ آمَنَّا وَعَرَفْنَا أَنَّكَ أَنْتَ الْمَسِيحُ" (يوحنا ٦: ٦٩). وأكثر اعتراف واضح وجريء طلع من بطرس واعترف بيهو يسوع على إنو إعلان من الله: "أَنْتَ هُوَ الْمَسِيحُ ابْنُ اللَّهِ الْخَلِّ" (متى ١٦: ١٦). وفي النهاية، السبب الأساسي في محاكمة يسوع وإدانته كان إنو قال عن نفسو إنو هو المسيح (متى ٢٦: ٦٣-٦٤؛ ٢٧: ٢٢؛ ١٧، ٢٢، ٣٧).

واحدة من الحاجات المهمة في الكرازة المسيحية الأولى كانت الإعلان: إنو يسوع هو المسيح (أعمال الرسل ٢: ٣٦؛ ١٨: ٣؛ ٢٠: ٩؛ ٢٢: ٢٨؛ ٢٣، ٣١). والإعلان دا هو أقدم اعتراف إيماني (متى ١٦: ١٦)، وأبسط، وأهم نقطة في الإيمان المسيحي (١ كورنثوس ١: ٢٣؛ ١ يوحنا ٥: ١). لأنو بياكد إنو يسوع كمسيّا كمل تمامًا الدور بتاعو كمسوح: نبي وكاهن، وملك، خادمًا لله من أجل شعبه (لوقا ٧: ١٦؛ ١ كورنثوس ١٥: ٢٥). عبرانيين ٧: ٢٢-٢٨؛ رؤيا ١٩: ١٦.

شاهد أيضًا يسوع المسيح، حياته وتعاليمه المسيح؛ المخلص

الفكر اللاهوتي عن المعمودية في رسائل بولس وبطرس

الكلام الجوهري عند بولس عن المعمودية بنلقاه في غلاطية ٣: ٢٧ اعتمدتم بالمسيح. "الطقس دا عندو طبيعة مسيحية (كريستولوجية) في" أصلو، لأنو بيرمز للاتحاد مع المسيح. ودا واضح أكثر في رومية ٦: ٣-٨، التساوي بين المعمودية والموت والقيامة (راجع كولوسي ٢: ١٢، ١٣). ويرضو المعمودية مرتبطة بالروح القدس؛ في 1 كورنثوس ١٢: ١٣، بولس يقول: "بُروحٍ وَاِحدٍ اُعْتَمَدْنَا" وكمأن "سُفِينَا رُوحًا وَاِحدًا." ناس كتار بيشفوفوا المعمودية كأنها العلامة الظاهرة لـ: الختم" الداخلي بالروح القدس (٢ كورنثوس ١: ٢١، ٢٢؛ أفسس ١: ١٣، ١٤). الكلام دا بيؤدنا للبعد الأخرى (المرتبط بالنهاية) في المعمودية من خلال علاقتها بعمل المسيح الحالي وعمل الروح القدس المعمودية بتظهر كرمز خارجي لتدقيق الخلاص في زمن الاكتمال، لأنها الطقس الأولي البيدخل المؤمن في بركات العصر الجديد (تيطس ٣: ٥).

في كمان علاقة واضحة بين المعمودية ووعود العهد القديم. الرابط الأساسي بيكون مع العهد الإبراهيمي، خصوصاً مع الختان البيميزو. في كولوسي ٢: ١١، ١٢، بولس جمع بين الختان في العهد القديم والمعمودية في العهد الجديد، وورّانا إنو الاثنين بيرمزوا لعمل المسيح الفدائي. لكن اليوم في نقاش داير: هل المعمودية بتقوم بنفس الدور البكان بيقوم بيهو الختان؟ يعني هل هي علامة قضائية واحتسابية زي الختان؟ مهما كانت التفسيرات اللاهوتية، ما بنقدر نجبر بولس يقول الكلام دا حرفياً. في الحقيقة، بولس هنا بيستخدم صورة "ختان القلب"، وهي صورة موجودة في العهد القديم (تثنية ١٠: ١٦؛ ٣٠: ٦؛ إرميا ٤: ٤؛ رومية ٢: ٢٨؛ ٢٩؛ فيلبي ٣: ٣). المؤمنين بعيشوا المعنى الحقيقي والفعل للحادثة الختان كان بيرمز ليها زمان، ودا واقع روحي حقيقي وفعال

المعمودية كمان مرتبطة بعهد الله مع نوح، زي ما ورد في ١ بطرس ٣: ٢١-٢٩. لنجاة بتاعت نوح من خلال الموية هناك بتعتبر صورة أو رمز لنتائج المعمودية. في نقاش داير حول معنى عبارة: "الذي مثاله يُخَلِّصُنَا، نَحْنُ الآن، أَيِ الْمَعْمُودِيَّةِ." وفهم المعنى دا بيرتبط بالشرح الجا بعدو اللي هو: "بَلْ سَوَالُ ضَمِيرٍ صَالِحٍ عَنْ اللَّهِ." رغم إنو في نقاش أكبر بيدور حوالين النظرة "الافتراضية" (فرضية العهد) والمعدانية، لكن هنا حنكتفي ونقول ببساطة إنو تفسير العبارة كـ "طلبة من الله من ضمير صالح" هو التفسير الأنسب. العبارة دي بتعكس صورة زول مؤمن بيقدم طلبتو لله بقلب صادق. المعمودية هي ختم لعهد الخلاص، العهد الاتحقق مسبقاً بواسطة عمل المسيح، وبقرار إيمان فردي من الشخص

(متى ٣: ٢؛ لوقا ٣: ٧-١٤). مع إنو في تشابه بين المعمودية يوحنا ومعمودية الكنيسة الأولى، ما بنقدر نقول إنهم نفس الحاجة بالضبط الحقيقة إنو المعمودية اختفت تقريباً من خدمة يسوع. في البداية، يسوع سمح لتلاميذه يعمدوا الناس (يوحنا ٣: ٢٢)، لكن بعد شوية، واضح إنو وقف المعمودية دي (يوحنا ٤: ١-٣)، ويمكن يكون وقفها للأسباب دي (١) رسالة يوحنا كانت وظيفية، يعني خدمتو كانت بتؤدي غرض محدد لكن رسالة يسوع كانت شخصية ووجودية، متعلقة بهويتو نفسو كابن الله. (٢) يوحنا كان بيتنظر المستقبل، مستني الملكوت الجاي، لكن يسوع كان شايف إنو الملكوت وصل، وكان بيحتفل بيهو في الحاضر. المعمودية يوحنا كانت مرحلة مؤقتة، لكن المعمودية المرتبطة بيسوع بقت فريضة في الكنيسة. عشان كدا، يسوع فرق بين خدمتو وخدمة يوحنا

معمودية يسوع

نالحده دا طلع من تفاعل معقد بين دوافع إلهية ودوافع بشرية، وكان نابع من وعي يسوع بنفسو كمسيحاً (شوف مرقس ١: ٩-١١ والنصوص الشبيهة). بالنسبة ليوحنا، المعمودية يسوع كانت زي ختم تأكيد إنو رسالتو وخدمتو كانت حقيقية وحاجة من ربنا. وخدمة يسوع كانت مرتبطة ببناء يوحنا عن قرب مجيء الملكوت. أما بالنسبة لیسوع، فالمعمودية دي كانت زي مسحة إلهية، بتعلن بداية خدمته المسبانية. ودا بيظهر بوضوح في "الصوت السماوي" الانتقال في مرقس ١: ١١ والنصوص الثانية، الشبيهة، والموضوع دا فيهو جانبين: (١) الصوت أشار لمزمور ٧: ٢ ودا بيباكد إنو يسوع هو ابن الله بطريقة فريدة وخاصة. (٢) ويرضو أشار لإشعيا ٤٢: ١، واعترف بيسوع إنو هو "عبد يهوه" المنتظر، العبد المسباني. (الموضوع دا حنشرحو بتوسع أكثر في المقالة الجاية تحت)

وصية يسوع بعد القيامة بالمعمودية

هنا بنلقى الأساس الحقيقي لممارسة الكنيسة للمعمودية (متى ٢٨: ١٩) زي ما ذكر قبل كدا، التلاميذ وقفوا من ممارسة معمودية يوحنا، وعند النقطة دي بنشوف إنو المعمودية اتأسست من جديد كفرضة مبنية على موت المسيح وقيامته. ما بقت طقس بيتطلع للمستقبل، لكن بقت مرتبطة برسالة الإنجيل ذاتها، ومدعومة بالمسيح القادم من بين الأموات وصعد ليلقي السيد على الكون كله. كمان، المعمودية بقت جزء أساسي من عملية التلمذة، ودا باين في استخدام كلمة "عمدوهم" بعد الفعل الرئيسي تلمذوا. وفي النهاية، بنلاحظ إنو الفعل دا (عمدوهم) بيدل على دخول المؤمن في "اتحاد" (بالمعنى الحرفي: "باسم") مع الثالوث الأقدس

المعمودية في الكنيسة الأولى

النص في أعمال الرسل ٢: ٣٨ بيورينا إنو المعمودية كانت فريضة كنسية من البداية. ودا بيرجع بيينا لأيام الكنيسة الأولى. في الكنيسة البدرية، المعمودية كانت جزء مهم من عملية الخلاص (أعمال الرسل ٢: ٣٨، "توبوا وليعتمد كل واحد منكم") وكانت بتتم من خلال الاعتراف بالصلاة "باسم يسوع المسيح" (أعمال الرسل ٢: ٣٨؛ ٨: ١٦؛ ١٠: ٤٨؛ ١٩: ٥). الغالب إنو كان في فترة فيها سؤال وجواب، الزول فيها بيعترف بإيمانو ويكرس نفسو للمسيح. والنتيجة كانت إنو الزول بيتم قبولو في جماعة العهد الجديد، ودا كان بيدل على غفران الخطايا (أعمال الرسل ٢: ٣٨؛ ٥: ٣١؛ ١٠: ٤٣؛ ١٣: ٣٨؛ ٢٦: ١٨) وكمأن على قبول الروح القدس (لوقا ٣: ١٦؛ أعمال الرسل ٢: ٣٨، ٤١؛ ٩: ١٧؛ ١٠: ٤٧، ٤٨؛ ١١: ١٦، ١٧؛ ١٩: ٥-٧). شوف كمان معمودية النار؛ معمودية يسوع؛ معمودية الروح القدس